



Grad Sarajevo  
City of Sarajevo

Broj: 01/05-04-4768-1/23  
Sarajevo, 30.06.2023. godine

**GRAD SARAJEVO**  
**GRADSKO VIJEĆE GRADA SARAJEVA**  
n/r Jasmin Ademović, predsjedavajući Gradskog vijeća Grada Sarajeva

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

GRADONAČELNICA  
Kanton Sarajevo - GRAD SARAJEVO  
GRADSKO VIJEĆE

| PRIMLJENO: |                  |        |            |
|------------|------------------|--------|------------|
| Org. jed.  | Broj             | Prilog | Vrijednost |
|            | 01-05-02-866-1.0 |        | 23         |

**PREDMET:** Odgovor na vijećničku inicijativu gradskog vijećnika Tonija Vukadina

Na 28. sjednici Gradskog vijeća Grada Sarajeva, gradski vijećnik Toni Vukadin uputio je vijećničku inicijativu sljedećeg sadržaja:

**„Potrebno je, u narednom periodu, donijeti novu odluku o uslovima i načinu sticanja statusa udruženja i fondacija od posebnog značaja za Grad Sarajevo.“**

Odgovor:

Izuzetno cijeneći sve inicijative gradskih vijećnika, tako i ovu, a u želji da što bolje pripremimo eventualno normativno djelovanje u narednom periodu u kojem će se mijenjati/dopunjavati ili donositi nova predmetna odluka, slobodni smo blagovremeno zatražiti konkretne prijedloge, upute i smjernice, u cilju boljeg prepoznavanja kako same potrebe, tako i budućeg sadržaja pravnih normi, za izmjenu/dopunu ili donošenje novog gradskog propisa, umjesto sada važeće Odluke o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj: 51/21 – Co:Prilog 1).

Ovom prilikom slobodni smo podsjetiti i navesti sljedeće:

1. Gradsko vijeće Grada Sarajeva, u redovnoj proceduri (nacrt Odluke, Javna rasprava, Prijedlog Odluke), na devetoj sjednici održanoj 01.12.2021. godine, donijelo je Odluku o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj: 51/21). Dakle, ovaj gradski propis je u primjeni nešto duže od jedne godine dana i do sada nije bilo nama poznatih konkretnih primjedbi, prijedloga ili uočenih smetnji za njegovu primjenu, odnosno provođenje, od strane nadležnih službi i nadležnih aktera.
2. Na 24. sjednici Gradskog vijeća Grada Sarajeva, gradska vijećnica Biljana Lazarević uputila je vijećničku inicijativu navodeći da je potrebno da Grad Sarajevo pripremi izvještaj o dodjeljenim sredstvima udruženjima od posebnog značaja za Grad Sarajevo, kao i o opravdanim sredstvima, a na koju je sačinjen cjelovit odgovor i u odgovarajućoj proceduri, učinjen dostupnim, kako uvaženoj vijećnici Lazarević, tako i svim gradskim vijećnicima, kao i građanstvu koje prati sjednice Gradskog vijeća putem dostupnih, elektronski postavljeni materijala – konkretno, za tačku 22, Dnevnog reda 27. sjednice Gradskog vijeća, koja je održana 26.04.2023. godine.  
(Predmetni Odgovor je Prilog 2 ovoga odgovora)

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



3. Odbor za društvene djelatnosti Gradskog vijeća Grada Sarajeva je, na svojoj 32. sjednici, održanoj 07.06.2023. godine, razmatrajući prijedlog Odluke o utvrđivanju posebnog značaja za Grad Sarajevo za Udruženje Međunarodni forum Bosna, (Odluka je, u međuvremenu jednoglasno usvojena, na junskoj, odnosno 29. sjednici Gradskog vijeća) formulisao i dodatni zaključak sljedećeg sadržaja: „ Odbor za društvene djelatnosti traži od Gradonačelnice informaciju o procesu razmatranja Odluke o načinu sticanja statusa udruženja i fondacija od posebnog značaja za Grad Sarajevo, u smislu pooštavanja kriterija, a što je zaključak Gradskog vijeća od prije više od godinu dana.“.

Kako nije potpuno jasno o čemu se konkretno radi u ovome zaključku, a kako nije niti precizirano šta bi se to moglo smatrati „ pooštavanjem“ za konkretno i taksativno navedene opšte i posebne uslove u samoj Odluci (član 4. i 5.), u cilju što boljeg konačnog razjašnjavanja evidentiranih i eventualnih nejasnoća i iskazanih nezadovoljstava pojedinih gradskih vijećnika i/ili izrade izmjena i dopuna, odnosno novog propisa - Odluke o uslovima i načinu sticanja statusa udruženja i fondacija od posebnog značaja za Grad Sarajevo, bit ćemo slobodni da do sada sačinjene odgovore, uključujući i ovaj, dostavimo kao što potpuniju informaciju Gradonačelnice Odboru za društvene djelatnosti Gradskog vijeća Grada Sarajeva, u vezi sa gore citiranim zaključkom Odbora.

S poštovanjem,



Prilog: kao u tekstu

Dostaviti:

- naslovu,
- evidenciji
- a/a

Obradila i kontrolisala:

Pomoćnica gradonačelnice  
za lokalnu samoupravu

Dragana Solaković, dipl.iur.

PRILOG 1

II

Ovom Izmjenom Registra budžetskih korisnika Kantona Sarajevo stavlja se van snage Izmjene Registar budžetskih korisnika Kantona Sarajevo broj 08-01-11-21662-1/21 NK od 28.06.2021. godine koji je objavljen u "Službenim novinama Kantona Sarajevo, broj 27/21".

Broj 08-01-11-21662-2/21 NK

14. decembra 2021. godine  
Sarajevo

Ministar  
Davor ČIČIĆ, s. r.

**GRAD SARAJEVO**

**Gradsko vijeće**

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na Devetoj sjednici održanoj dana 01.12.2021. godine, donijelo je

**ODLUKU**

**O USLOVIMA I NAČINU STICANJA STATUSA  
UDRUŽENJA I FONDACIJA OD POSEBNOG ZNAČAJA  
ZA GRAD SARAJEVO**

**POGLAVLJE I. OPĆE ODREDBE**

**Član 1.**

(Predmet Odluke)

Ovom odlukom utvrđuju se uslovi i način sticanja statusa udruženja i fondacija od posebnog značaja za Grad Sarajevo.

**Član 2.**

(Definicija)

Udruženja i fondacije, u smislu ove odluke su, pravna lica osnovana i registrovana u skladu sa pozitivnim propisima o udruženjima i fondacijama.

**Član 3.**

(Status posebnog značaja)

Status posebnog značaja za Grad Sarajevo mogu steći udruženja i fondacije čija djelatnost doprinosi afirmaciji grada Sarajeva kao glavnog grada Bosne i Hercegovine i Federacije Bosne i Hercegovine, u zemlji i svijetu, te čije su aktivnosti od interesa za građane i razvoj Grada Sarajeva kao multikulturne i multietničke sredine.

**POGLAVLJE II. USLOVI ZA STICANJE STATUSA  
POSEBNOG ZNAČAJA ZA GRAD SARAJEVO**

**Član 4.**

(Opći uslovi)

Udruženja i fondacije koje mogu steći status posebnog značaja za Grad Sarajevo moraju ispunjavati i sljedeće opće uslove:

- da su osnovane i registrovane u skladu sa pozitivnim propisima;
- da svoje aktivnosti razvijaju na području grada Sarajeva;
- da ne obavljaju aktivnosti u ime političke partije;
- da su podnijele izvještaj o utrošku sredstava, ukoliko su prethodno bile finansirane iz budžeta Grada Sarajeva.

**Član 5.**

(Posebni uslovi)

Pored općih uslova iz člana 4. Odluke, potrebno je da udruženja i fondacije ispunjavaju i sljedeće posebne uslove:

- značaj za Grad Sarajevo u smislu težnje za koncentrisanjem kulturnog, urbanog i kulturno-

historijskog naslijeđa i ekonomskog razvoja grada, kao metropole;

- stepen doprinosa afirmaciji Grada Sarajeva kao multikulturnoj i multietničkoj sredini;
- interes građana grada Sarajeva;
- doprinos jačanju tolerancije i razvoju demokratskog društva;
- afirmacija urbanog identiteta i vrijednosti;
- mogućnost uključivanja u međunarodne događaje kojima se omogućava afirmacija Grada Sarajeva kao administrativnog, kulturnog i turističkog centra.

**Član 6.**

(Prestanak statusa)

Udruženju i fondaciji prestaje status od posebnog značaja za Grad Sarajevo u sljedećim slučajevima:

- Po sopstvenom zahtjevu;
- Brisanjem iz registra udruženja i fondacije nadležnog organa uprave u kojem je udruženje/fondacija registrovano;
- Ukoliko udruženje/fondacija nakon dodjele statusa od posebnog interesa i društvenog značaja za Grad Sarajevo ne realizuje aktivnosti i ciljeve utvrđene statutom, programom rada udruženja/fondacije ne podnese blagovremeno i tačno izvještaj o utroženim sredstvima, godišnji izvještaj o radu usvojen od strane ovlaštenog organa udruženja/fondacije-skupštine;
- Ukoliko se naruše kriteriji po osnovu kojih je utvrđen status udruženja i fondacije od posebnog značaja za Grad Sarajevo.

**POGLAVLJE III. NAČIN STICANJA STATUSA  
POSEBNOG ZNAČAJA ZA GRAD SARAJEVO**

**Član 7.**

(Podnošenje zahtjeva)

Zahtjev, odnosno inicijativa za sticanje statusa posebnog značaja za Grad Sarajevo, dostavlja se gradonačelniku/ci Grada Sarajeva i to od strane ovlaštenih lica/organa udruženja i fondacija. Zahtjev, odnosno inicijativa iz stava 1. ovog člana, mora sadržavati obrazloženje i dokaze o ispunjavanju uslova iz čl. 4. i 5. Odluke.

**Član 8.**

(Odluka o sticanju statusa)

- Podneseni zahtjev, odnosno inicijativa, nadležna Služba procjenjuje sa stanovišta uslova utvrđenih ovom odlukom i svoje mišljenje sa prijedlogom dostavlja gradonačelniku/ci Grada Sarajeva. Gradonačelnik/ca Grada Sarajeva razmatra prijedlog nadležne Službe te Gradskom vijeću Grada Sarajeva upućuje prijedlog Odluke o utvrđivanju posebnog značaja za određeno udruženje ili fondaciju, o čemu Gradsko vijeće donosi konačnu odluku.
- Obavezan sadržaj odluke o utvrđivanju posebnog značaja za određeno udruženje ili fondaciju je iznos finansijskih sredstava iz budžeta Grada Sarajeva kojima će udruženje ili fondacija biti finansirani te vremenski period (jedna ili više budžetskih godina) finansiranja.

**Član 9.**

(Obavijest o neispunjavanju uslova)

U slučaju da podneseni zahtjev, odnosno inicijativa, ne ispunjava uslove utvrđene ovom odlukom, nadležna Služba podnosiocu upućuje obavijest sa obrazloženjem o provedenom vrednovanju.

**POGLAVLJE IV. NADZOR**

**Član 10.**  
(Nadzor)

- (1) Gradonačelnik/ca Grada Sarajeva osigurava nadzor nad provođenjem finansiranja udruženja ili fondacije iz budžeta Grada Sarajeva, putem nadležnih službi.
- (2) U praćenju nadzora, nadležne službe, svaka iz djelokruga svoga rada, prate realizaciju aktivnosti i daju mišljenje o izvršenom nadzoru gradonačelniku/ci.
- (3) Udruženja i fondacije od posebnog interesa za Grad Sarajevo dužna su u roku do 28.02. tekuće godine gradonačelniku/ci Grada Sarajeva dostaviti Izvještaj o radu za prethodnu godinu.

**POGLAVLJE V. PRELAZNE I ZAVRŠNE ODREDBE**

**Član 11.**  
(Izmjene i dopune)

Izmjene i dopune Odluke vrše se na način i po postupku za njeno donošenje.

**Član 12.**  
(Rodna ravnopravnost)

Gramatička terminologija korištenja ženskog i muškog roda u ovoj Odluci podrazumijeva uključivanje oba roda.

**Član 13.**  
(Raniji status)

Udruženja i fondacije koja su stekla status udruženja od posebnog značaja u ranijem periodu zadržavaju stečeni status.

**Član 14.**  
(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1554/21  
01. decembra 2021. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na Devetoj sjednici održanoj dana 01.12.2021. godine, donijelo je

**ODLUKU  
O DAVANJU SAGLASNOSTI ZA POTPISIVANJE  
SPORAZUMA SA GRADOM ŠANLIURFA, REPUBLIKA  
TURSKA, O POSTAVLJANJU DVA (2) JARBOLA SA  
ZASTAVOM GRADA SARAJEVA I ZASTAVOM  
ZVANIČNE MASKOTE XIV ZIMSKIH OLIMPIJSKIH  
IGARA - "VUČKO"**

**Član 1.**  
(Predmet)

Ovom odlukom Gradsko vijeće Grada Sarajeva daje saglasnost gradonačelnici Grada Sarajeva za potpisivanje Sporazuma sa Gradom Šanliurfa, Republika Turska, o postavljanju dva (2) jarbola sa zastavom Grada Sarajeva i zastavom zvanične maskote XIV Zimskih olimpijskih igara - "Vučko".

**Član 2.**  
(Način realizacije)

Grad Šanliurfa, Republika Turska, Gradu Sarajevo će donirati dva (2) jarbola visine 25 metara, a obaveza Grada Sarajeva će biti nabavka dvije zastave iz tačke 1. Odluke.

**Član 3.**  
(Sredstva)

Sredstva za realizaciju projekta obezbjedit će se u Budžetu Grada Sarajeva za 2021. godinu, pozicija 614400 - Održavanje komunalnih objekata.

**Član 4.**  
(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1556/21  
01. decembra 2021. godine  
Sarajevo

Predsjedavajući  
Gradskog vijeća  
Jasmin Ademović

**Gradonačelnik**

Na osnovu člana 5. i člana 23. Odluke o izvršavanju Budžeta Grada Sarajeva za 2021. godinu ("Službene novine Kantona Sarajevo", broj 2/21), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

**ODLUKU  
O ODOBRAVANJU SREDSTAVA SA POZICIJE:  
TEKUĆA REZERVA**

**Član 1.**

Ovom Odlukom odobravaju se novčana sredstva za Udruženje dramskih glumaca "Mundo Mondo".

**Član 2.**

Sredstva za realizaciju obaveze iz člana 1. ove Odluke odobravaju se izdvajanjem sredstava iz tekuće rezerve sa ekonomskog koda 600000 Budžeta Grada Sarajeva za 2021. godinu ("Službene novine Kantona Sarajevo", broj 2/21) na poziciju 614300 Udruženje dramskih glumaca "Mundo Mondo", u ukupnom iznosu od 100,00 KM (slovima: stotinu KM).

**Član 3.**

Za realizaciju ove odluke zadužuje se Gradska služba za obrazovanje, kulturu i sport i mlade i Gradska služba finansija.

**Član 4.**

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 10-04-5806-2/21  
28. oktobra 2021. godine  
Sarajevo

Gradonačelnica  
Grada Sarajeva  
Doc. dr. Benjamin Karčić, s. r.

Na osnovu člana 5. i člana 23. Odluke o izvršavanju Budžeta Grada Sarajeva za 2021. godinu ("Službene novine Kantona Sarajevo", broj 2/21), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

**ODLUKU  
O ODOBRAVANJU SREDSTAVA SA POZICIJE:  
TEKUĆA REZERVA**

**Član 1.**

Ovom Odlukom odobravaju se novčana sredstva za sufinansiranje izgradnje Muzeja 505. Viteške brigade u Općini Bužim.

**Član 2.**

Sredstva za realizaciju obaveze iz člana 1. ove Odluke odobravaju se izdvajanjem sredstava iz tekuće rezerve sa

PRILOG 2



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

Broj: 01/05-04-2764-1/23  
Sarajevo, 14.04.2023. godine

Bosna i Hercegovina Federacija Bosne i Hercegovine  
Kanton Sarajevo - Grad Sarajevo

|                    |             |      |
|--------------------|-------------|------|
| PRILOG 2           | 18 APR 2023 |      |
| 01-05-04-2764-1-23 |             | 0/13 |

GRAD SARAJEVO  
GRADSKO VIJEĆE GRADA SARAJEVA

N/r Jasmin Ademović, predajavajući Gradskog vijeća Grada Sarajeva

**PREDMET:** Odgovor na vijećničku inicijativu gradske vijećnice Biljane Lazarević

Na 24. sjednici Gradskog vijeća Grada Sarajeva, gradska vijećnica Biljana Lazarević uputila je vijećničku inicijativu sljedećeg sadržaja:

„Potrebno je da Grad Sarajevo pripremi izvještaj o dodjeljenim sredstvima udruženjima od posebnog značaja za Grad Sarajevo, kao i o opravdanim sredstvima.“

**Odgovor:**

Cijeneći da Grad Sarajevo, pored uobičajene saradnje na osnovu već važećih odluka Gradskog vijeća i s njima u vezi propisanih procedura koje čine pravni okvir za saradnju sa OCD-udruženjima i fondacijama, ima potrebu da uspostavi i poseban vid saradnje sa onim organizacijama za koje procijeni da su od posebnog interesa za glavni grad i lokalnu zajednicu Sarajevo, Gradsko vijeće Grada Sarajeva, u redovnoj proceduri (Nacrt Odluke, Javna rasprava, Prijedlog Odluke), na devetoj sjednici održanoj 01.12.2021. godine, donijelo je Odluku o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21).

Odlukom je, pored ostalog, propisano:

- *Gradonačelnik/ca Grada Sarajeva osigurava nadzor nad provođenjem finansiranja udruženja ili fondacije iz budžeta Grada Sarajeva, putem nadležnih službi.*  
*U praćenju nadzora, nadležne službe, svaka iz djelokruga svoga rada, prate realizaciju aktivnosti i daju mišljenje o izvršenom nadzoru gradonačelniku/ci.*  
*Udruženja i fondacije od posebnog interesa za Grad Sarajevo dužna su u roku do 28.02. tekuće godine gradonačelniku/ci Grada Sarajeva dostaviti Izvještaj o radu za prethodnu godinu član 10. Odluke – Nadzor).*
- *udruženja i fondacije koje su stekle status posebnog značaja za Grad Sarajevo, u ranijem periodu, zadržavaju stečeni status (član 13. Odluke – Raniji status).*

Imajući u vidu navedene odredbe, kao i da se pri potpisivanju pojedinačnih ugovora sa korisnicima budžetskih sredstava, pa tako i sa ovom posebnom kategorijom korisnika, ugovara i podnošenje izvještaja o utrošku finansijskih sredstava dodijeljenih iz budžeta Grada, te da Gradsko vijeće razmatra i usvaja godišnje izvještaje o provođenju politike/radu gradonačelnice, a time i Gradske uprave, kao i izvještaje o izvršenju budžeta, Odlukom o uslovima i načinu sticanja statusa udruženja i fondacija od posebnog značaja za Grad Sarajevo nije predviđeno dodatno izvještavanje/informisanje

Adresa: Hamdije Kreševljakovića 3  
71000 Sarajevo, BiH  
Tel: +387 33 407 443  
Fax: +387 33 206 341  
Email: grad@sarajevo.ba  
Web: www.sarajevo.ba



Gradskog vijeća, te se stoga navodeću tačku niti ne programira u godišnjim programima rada Gradskog vijeća Grada Sarajeva.

Ipak, u odgovoru na ova inicijativa, objedinjeno razmišljamo o statusnim aktima i drugim relevantnim činjenicama, vezano za korisnike budžetskih sredstava iz ove kategorije korisnika.

#### **Iz djelokruga rada Gradske službe za lokalnu samoupravu:**

**Odluka o utvrđivanju nacionalnih kulturnih društava od posebnog značaja za Grad Sarajevo („Službene novine Kantona Sarajevo”, broj 31/20)**

Nacionalna kulturna društva temeljno su institucije kulture naroda Bosne i Hercegovine – Bošnjaka, Hrvata, Srba i Jevreja, a postoje više od jednog vijeka, te su po tome među najstarijim, danas postojećim institucijama u BiH.

Sve četiri nacionalne institucije kulture, od osnivanja, pa nadalje, imaju svoja sjedišta u gradu Sarajevu i svojim radom, dugi niz godina, doprinose kulturnom identitetu Sarajeva i Bosne i Hercegovine.

U skladu s navedenom odlukom, ovim Udruženjima izdvajaju se godišnja sredstva u iznosima:

- 5.000 KM Bošnjačkoj zajednici kulture „Preporod”, za podršku programskim aktivnostima,
- 5.000 KM Hrvatskom kulturnom društvu „Napsedak”, za podršku programskim aktivnostima,
- 5.000 KM Srpskom prosvjetnom i kulturnom društvu „Prosvjeta”, za podršku programskim aktivnostima,
- 5.000 KM Jevrejskom kulturno-prosvjetnom i humanitarnom društvu „La benevolencija”, za podršku programskim aktivnostima.

**Odluka o utvrđivanju posebnog značaja za Grad Sarajevo za udruženje „Asocijacija nezavisnih intelektualaca – KRUG 99” („Službene novine Kantona Sarajevo”, broj 49/20)**

Udruženje „Asocijacija nezavisnih intelektualaca – Krug 99” još od 1993. godine u kontinuitetu ostvaruje svoju zacrtanu ulogu autentičnog aktera oživljenog društva koje je u našoj javnosti prepoznatljivo već punih 27 godina. Krug 99 je početkom 1994. godine, u opsjednutom Sarajevu, inicirao i formulisao tekst Deklaracije o slobodnom i jedinstvenom Sarajevu, politički dokument koji je potpisalo 185 hiljada građana opkoljenog Sarajeva i gotovo milion građana sa svih kontinenta, orijentno u 56 zemalja svijeta. U Asocijaciji danas djeluje više od 150 eminentnih ličnosti naučnog, kulturnog, umjetničkog i javnog života, među kojima ima članova Akademije nauka BiH, pisaca, novinara, slikara, filmskih reditelja, ljekara, ekonomista, pravnika, pozorišnih umjetnika, teologa, muzičara, humanista i drugih ličnosti. Također, među članovima su i intelektualci drugih država, koji djeluju kao istaknuti članovi, a žive u Rimu, Parizu, Beču, Londonu, Briselu, Sofiji, New Yorku, Helsinkiju, Ljubljani, Beogradu, Rovinju, Zagrebu i drugim gradovima Evrope i bivše Jugoslavije.

Krug 99 je za svoje djelovanje primio više međunarodnih nagrada i priznanja, među kojima se posebno ističu: Nagrada FONDACIJE OLOF PALME (Stockholm), Nagrada FONDACIJE KRALJA BOUDOUINA (Brisel) i Nagrada FONDACIJE ALBERTO MORAVIA (Rim).

U skladu sa ovom odlukom Udruženju se izdvajaju godišnja sredstva u iznosu od:

10.000 KM Udruženju „Asocijacija nezavisnih intelektualaca – Krug 99”, za redovan rad Asocijacije.

**Odluka o utvrđivanju posebnog značaja za Grad Sarajevo za udruženja Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini („Službene novine Kantona Sarajevo”, broj 2/21)**

Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini su udruženja koja u svojim ciljevima djelovanja imaju ugrađene tradicionalne vrijednosti saživota u gradu Sarajevu, kao što su

tolerancija, zajedništvo, multikulturalnost, multinacionalnost, uvažavanje i poštivanje sloboda i prava drugih i drugačijih i koja se zalažu za jednakopravnost svih konstitutivnih naroda na čitavoj teritoriji Bosne i Hercegovine.

Kao takva, navedena Udruženja svojim kontinuiranim radom doprinose očuvanju i jačanju Sarajeva kao sredine u kojoj vlada međunacionalno povjerenje, usmjerene ka očuvanju i razvoju Sarajeva, kao dosadašnjeg i budućeg središta, nacionalnog, kulturnog, ekonomskog, političkog i vjerskog života svih naroda u BiH.

U skladu s Odlukom, ovim Udruženjima izdvajaju se godišnja sredstva u iznosima:

- 10.000 KM Udruženju Vijeće Kongresa bošnjačkih intelektualaca za programске i redovne aktivnosti,
- 5.000 KM Srpskom građanskom vijeću – Pokret za ravnopravnost u BiH, za programске i redovne aktivnosti,
- 5.000 KM Udruženju „Hrvatsko narodno vijeće u Bosni i Hercegovini“, za programске i redovne aktivnosti,

**Odluka o utvrđivanju posebnog značaja za Grad Sarajevo udruženja „Obrazovanje građi Bosnu i Hercegovinu“ („Službene novine Kantona Sarajevo“, broj 24/21)**

Udruženje „Obrazovanje građi Bosnu i Hercegovinu“ egzistira od 1994. godine, moralno i materijalno pomaže različite grupe: djecu i mlade iz porodica žrtava rata u BiH, djecu i mlade sa invaliditetom, talentovanu i djecu i mlade iz romske nacionalne manjine, kao i one iz socijalno ugroženih porodica, u sticanju formalnog i neformalnog obrazovanja i psihosocijalne zaštite.

Iz ukupnog djelovanja Udruženja „Obrazovanje građi BiH“, u 27 godina, najmanje 60% aktivnosti realizovano je na području grada Sarajeva, i to:

- 7.623 godišnje stipendije, uključujući 830 stipendija za učenike i studente romske nacionalne manjine,
- 4.463 korisnika u turističko-odukacijskim projektima boravilo je u 18 evropskih država, Kanadi, Urugvaju, te na Bambičkom jezzeru u BiH;
- 46.043 korisnika primilo je odjeću, obuću, školski pribor, opremu, poklon pakete i hranu...itd.

Ovo Udruženje, koje je vodilo general Armije RBiH, Jovan Divjak, dobitnik je priznanja „Sestompriljska nagrada Gradu Sarajevu“ za 2016. godinu, za značajna ostvarenja i izuzetne uspjehe u radu, postignute u određenim oblastima društvenog života.

U skladu sa ovom odlukom, Udruženju se izdvajaju godišnja sredstva u iznosu od:

10.000 KM Udruženju „Obrazovanje građi BiH“, za programске aktivnosti, a navedena sredstva će se planirati počev od Budžeta za 2022. godinu.

**Odluka o utvrđivanju posebnog značaja za Grad Sarajevo za Udruženje „Savez antifašista i boraca narodnoslobodilačkog rata u Kantonu Sarajevo“ („Službene novine Kantona Sarajevo“, broj 10/22)**

Udruženje „SABNOR u KS“ dugi niz godina djeluje u Gradu Sarajevu, a aktivnosti ovog udruženja usmjerene ka očuvanju antifašističkog naslijeđa, pozitivnih vrijednosti zajedničkog života i sklada svih građana Sarajeva i BiH. Udruženje „SABNOR u KS“ učesvuje u projektnom modulu BU „Kultura sjećanja“, u sklopu kojeg se organizuje međunarodni skup antifašista „Igmanski marš“, a posebnu pažnju poklanja edukaciji mladih o antifašizmu, kao univerzalnoj vrijednosti.

U skladu sa ovom odlukom, Udruženju se izdvajaju godišnja sredstva u iznosu od:

- 5.000 KM Udruženju „Savez udruženja antifašista i boraca narodnoslobodilačkog rata u Kantonu Sarajevo“, za programске aktivnosti.

Kako je Odluka donesena u 2022. godini, navedena sredstva će se planirati počev od Budžeta za 2023. godinu.

**Odluka o utvrđivanju posebnog značaja za Grad Sarajevo za Udruženje slijepih Kantona Sarajevo („Službene novine Kantona Sarajevo“, broj 20/22)**

Udruženje slijepih Kantona Sarajevo postoji od 1948. godine te je tokom svog djelovanja postizalo značajne rezultate u afirmaciji slijepih osoba i njihovom uključivanju u društvene tokove, kao i činjenica da je ovo udruženje dobitnik šestopetilske nagrade Grada Sarajeva, a naravno vodeći računa da Udruženje izdaje časopis „Zvučne novine“ koje u zvučnom formatu izlaze 12 puta godišnje i distribuiraju se mnoge zemlje svijeta, a u svojoj najavi na jasan način promovira Grad Sarajevo koji dugi niz godina sufinansira navedeni projekat.

Pored budžetske pozicije planirane za projekat „Zvučne novine“ (10.000 KM posljednjih godina), u skladu sa ovom odlukom Udruženju se izdvajaju godišnja sredstva u iznosu od:

3.000 KM, za programsku aktivnost.

Kako je Odluka donesena u 2022. godini, navedena sredstva će se planirati počev od Budžeta za 2023. godinu.

#### VISINA DODJELJENIH SREDSTAVA I PRAVDANJE

Budžetima Grada Sarajeva planirana su sredstva na osnovu navedenih donesenih odluka, a iz djelokruga rada Gradske službe za lokalnu samoupravu, kako slijedi:

| Naziv udruženja/fondacije  | Budžet GS 2020         | Budžet GS 2021         | Budžet GS 2022         |
|--|------------------------|------------------------|------------------------|
| Bošnjačka zajednica kulture „Preporod“                                 | Doznačeno<br>Opravdano | Doznačeno<br>Opravdano | Doznačeno<br>Opravdano |
| Hrvatsko kulturno društvo „Napredak“                                   | Doznačeno<br>Opravdano | Doznačeno<br>Opravdano | Doznačeno<br>Opravdano |
| Srpsko prosvjetno i kulturno društvo „Prosvjeta“                       | Doznačeno<br>Opravdano | Doznačeno<br>Opravdano | Doznačeno<br>Opravdano |
| Jevrejsko kulturno-prosvjetno i humanitarno društvo „La benovolencija“ | Doznačeno<br>Opravdano | Doznačeno<br>Opravdano | Doznačeno<br>Opravdano |
| Asocijacija nezavisnih intelektualaca – KRUG 99                        |                        | Doznačeno<br>Opravdano | Doznačeno<br>Opravdano |
| Vijeće Kongresa bošnjačkih intelektualaca                              |                        | Doznačeno<br>Opravdano | Doznačeno<br>Opravdano |
| Hrvatsko narodno vijeće u BiH  |                        | Doznačeno<br>Opravdano | Doznačeno<br>Opravdano |
| Srpsko građansko vijeće – Pokret za ravnopravnost u BiH                |                        | Doznačeno<br>Opravdano | Doznačeno<br>Opravdano |
| Obrazovanje građi Bosnu i Hercegovinu – Jovian Divjak                  |                        |                        | Doznačeno<br>Opravdano |



|  |  |  |  |
|--|--|--|--|
| Sevez antifašista i boraca narodnooslobodilačkog rata u Kantonu Sarajevo |  |  |  |
| Udruženje slijepih Kantona Sarajevo                                      |  |  |  |

**Iz djelokruga rada Gradske službe za lokalno poslovanje:**

**Odluka o sticanju statusa udruženja od posebnog značaja za Grad Sarajevo za SOS - KINDERDORF INTERNATIONAL („Službene novine Kantona Sarajevo”, broj 31/22)**  
 Shodno navedenoj Odluci, predviđa se iznos od 32.000,00 KM uz mogućnost korekcije navedenog iznosa u narednim budžetskim godinama, a sve u skladu s rastom troškova života i objektivnim mogućnostima budžeta Grada Sarajeva. Početak realizacije namjenskih sredstva počinje planiranjem Budžeta Grada Sarajeva za 2023. godinu, i to za finansiranje jedne porodične kuće u SOS Dječjem selu Sarajevo, odnosno troškova života jedne porodice.

**Iz djelokruga rada drugih službi:**

**Odluku o utvrđivanju posebnog značaja za Grad Sarajevo za Fondaciju Mreže („Službene novine Kantona Sarajevo”, broj 16/22)**

Fondacija Mreže, organizator je „Sarajevo Unlimited” regionalnog foruma inovacija, poduzetništva i tehnologije, čime promovira, osnažuje i inspirira poduzetnički duh u Gradu Sarajevu, te doprinosi afirmaciji Grada Sarajeva na regionalnoj i međunarodnoj sceni u pomenutim oblastima. Forum je značajan i zbog toga što djeluje kao platforma za saradnju, razmjenu iskustava i dobrih praksi, inovatora, studenata, srednjoškolaca, kompanija, poduzetnika, institucija, malih i srednjih preduzeća, kreativnih industrija i start-up-a.

U skladu sa ovom odlukom Fondaciji se izdvajaju godišnja sredstva u iznosu od:

- 5.000 KM, za programske aktivnosti foruma „Sarajevo Unlimited”.

**Odluka o utvrđivanju posebnog značaja za „Udruženje za zaštitu kulturne baštine Isa-beg Ishaković” („Službene novine Kantona Sarajevo”, broj 10/22)**

U skladu sa ovom odlukom Udruženju se izdvajaju godišnja sredstva u iznosu od:

- 5.000 KM, za programske aktivnosti.

Gradska služba za lokalnu samoupravu  
 Pomoćnica gradonačelnice:  
 Dragana Solaković

GRADONAČELNICA

Doc. dr. Benjamin Karić

Dostaviti:

- Naslovu
- Evidencija



Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADSKO VIJEĆE

Sarajevo, 18.07.2023. godine  
Broj:01-05-1526/23

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

|                        |      |        |            |
|------------------------|------|--------|------------|
| PRILAZNO: 18 JULI 2023 |      |        |            |
| Org. jed.              | Broj | Prihod | Vrijednost |
| 01-GV-02-              | 998- | 3/-    | 0/23       |

Veza: Vaš broj: 01-GV-02-998-3/23

## PREDMET: ODGOVOR NA VIJEĆNIČKU INICIJATIVU

Poštovani,

Na 28. sjednici Gradskog vijeća Grada Sarajeva održanoj 31.05.2023. godine, gradski vijećnik Toni Vukadin uputio je inicijativu slijedećeg sadržaja:

*"Potrebno je da se tokom mjeseca augusta omogući besplata vožnja Trebevičkom žičarom i besplatno korištenje Olimpijskog bazena za djecu osnovnih škola Sarajeva".*

Uprava Preduzeća je u saradnji sa Nadzornim odborom, razmatrala dostavljenu inicijativu te Vas ovim putem želimo obavijestiti da istu neće biti moguće realizovati iz slijedećih razloga:

- JP Sarajevo d.o.o. je samostalni privredni subjekt koji posluje u skladu sa definisanim djelatnostima, preuzima poslovni rizik i nastoji ostvariti profit, obzirom da se isto ne finansira iz budžetskih, već isključivo vlastitih izvora;
- Kako Vam je poznato iz nedavno usvojenog izvještaja o radu i poslovanju Preduzeća za 2022. godinu, isto je ostvarilo neto dobit u iznosu od 1,502.071,72 KM od čega se iznos od 751.035,86 (50%) ima prebaciti u Budžet Grada Sarajeva, te bi logično bilo za očekivati da Grad u Budžetu predvidi novčana sredstva neophodna za realizaciju predložene i sličnih inicijativa (u nekom drugom mjesecu, što ćemo naknadno obrazložiti);
- Iz dostavljenog izvještaja je takođe vidljivo da je u mjesecu julu i augustu Preduzeće ostvarilo najveći prihod, što je u interesu i Grada kao osnivača;
- Ukoliko bi se udovoljilo predloženoj inicijativi u augustu mjesecu bi na blagajni žičare imali dodatne gužve koje bi sigurno stvarale nezadovoljstvo korisnika usluga žičare koju su svoju kartu uredno platili.
- Svaka vožnja, pa i besplatna se mora evidentirati, za istu se štampati karta i u konačnici platiti PDV. Navedeno bi zahtjevalo dodatni posao za već opterećene blagajnike i stvaralo dodatno opterećenje i gužvu na postrojenju

Postavljaju se i slijedeća pitanja:

1. Na koji način bi djeca dokazivali da su učenici osnovnih škola?;
2. Na koji način bi djeca dokazivala da su polaznici Sarajevskih osnovnih škola kako je predloženo u inicijativi?;

Napominjemo, da JP Sarajevo d.o.o. kao društveno odgovorna kompanija, kada god je to moguće, postupa u javnom interesu s ciljem da građanima omogući korištenje usluga žičare po



povoljnijim uvjetima te su odobreni posebni popusti u visini od 80% jedinstvene cijene u slijedećim slučajevima

- za vožnju žičarom za rezidente i to svakog radnog dana tokom zimskog raspusta (tokom 2022. godine);
- za vožnju žičarom za rezidente na dane državnih i vjerskih praznika;
- za penzionere, svakog radnog dana u periodu od oktobra 2022. godine – maj 2023. godine;
- Osobama koje su u mjesecu julu 2023. godine dobrovoljno darovali krv omogućena je povratna karta za vožnju trebevičkom žičarom potpuno besplatno kako bismo ukazali na značaj dobrovoljnog darivanja krvi;

Podsjećamo, JP Sarajevo d.o.o. je u više navrata pokušalo stupiti u kontakt sa nadležnim Ministrastvom u cilju pronalaska modaliteta kako bi se našim osnovcima i srednjoškolicima omogućilo korištenje usluga žičare po povoljnim uvjetima, ali nažalost nismo uspjeli ostvariti neophodni kontakt i saradnju.

JP Sarajevo d.o.o. će nastaviti postupati u skladu sa poslovnim principima tržišne orjentiranosti i posvećenosti klijentu kao i principima poslovne izvrsnosti kao konceptu upravljanja i nastojati u svakom momentu postupati proaktivno, u javnom interesu, služeći svojim građanima, a pri tome ne ugrožavajući vlastito poslovanje i priliku za ostvarenje profita.

**JP "SARAJEVO" d.o.o.**



Direktor, Bakir Hadžomerović

**Dostaviti:**

- Grad Sarajevo, Gradsko vijeće
- a/a



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-5277-3/23  
Sarajevo, 14.07.2023. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući Gradskog vijeća**

Predmet: Odgovor na vijećničku inicijativu gradskog vijećnika Tonija Vukadina  
Veza akt broj: 01-GV-02-998-3/23, dostavlja se

Na 29. sjednici Gradskog vijeća Grada Sarajeva, održanoj dana 26.06.2023. godine, gradski vijećnik Toni Vukadin uputio je inicijativu sljedećeg sadržaja:

„Potrebno je da se tokom mjeseca augusta omogući besplatna vožnja Trebevičkom žičarom i besplatno korištenje bazena za djecu osnovnih škola Sarajeva.“

**Odgovor:**

Navedena inicijativa prosljeđena je dana 14.07.2023. godine JP „Olimpijski bazen Otoka“ d.o.o. i JP „Sarajevo“ d.o.o. Nakon što dobijemo odgovor, bit ćete blagovremeno obavješteni.

Rukovodilac Stručne službe za poslove  
kabineta i poslove Gradske uprave,  
po ovlaštenju gradonačelnice  
**Dženana Šarčević, dipl. iur., s.r.**

**GRADONAČELNICA**

**Doc. dr. Benjamina Karić, s.r.**

Dostaviti  
- naslovu  
- a/a

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-5276-1/23  
Datum: 19.07.2023. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući Gradskog vijeća**

**PREDMET:** Odgovor na inicijativu gradske vijećnice Alme Čengić,  
broj: 01-GV-02-986-1/23 od 26.06.2023. godine

Na 29. sjednici Gradskog vijeća Grada Sarajeva, održanoj dana 26.06.2023. godine, gradska vijećnica Alma Čengić u povodu razmatranja Prijedloga Odluke o dopuni Kalendara obilježavanja datuma i događaja od značaja za Grad Sarajevo, uputila je inicijativu sljedećeg sadržaja:

„Potrebno je u Kalendar obilježavanja datuma i događaja značajnih za Grad Sarajevo uvrstiti obilježavanje 12. augusta – Međunarodnog dana mladih, što bi bilo u skladu sa kandidaturom Grada Sarajeva za status Evropske prijestolnice mladih.”

**Odgovor:**

U cilju realizacije navedene inicijative, potrebno je da predlagač dopuni podnesenu inicijativu na način da se odredi u kojem dijelu se dopunjava Kalendar obilježavanja datuma i događaja od značaja za Grad Sarajevo, kao i nosioca obilježavanja i način obilježavanja.

Rukovodilac Stručne službe za poslove  
kabineta i poslove Gradske uprave,  
po ovlaštenju gradonačelnice  
**Dženana Šarčević, dipl. iur., s.r.**

**GRADONAČELNICA**

**Doc. dr. Benjamina Karić, s.r.**

**Dostaviti:**

- Naslovu
- Evidencija
- a/a

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-3541-1/23  
Sarajevo, 25.04.2023. godine

**GRADSKO VIJEĆE GRADA SARAJEVA**  
**N/r Jasmin Ademović, predsjedavajući Gradskog vijeća**

Predmet: Odgovor na vijećničku inicijativu gradskog vijećnika Tonija Vukadina  
Veza akt broj: 01-GV-02-535-6/23, dostavlja se

Na 26. sjednici Gradskog vijeća Grada Sarajeva, održanoj dana 29.03.2023. godine, gradski vijećnik Toni Vukadin uputio je inicijativu sljedećeg sadržaja:

„Potrebno je da Grad Sarajevo razmotri mogućnost nabavke manjeg vozila za potrebe inspekcije Grada Sarajeva“.

**Odgovor:**

Budžetom Grada Sarajeva za 2023. godinu nisu planirala sredstava za nabavku motornog vozila za potrebe inspekcije Grada Sarajeva.

Pomoćnica gradonačelnice za opću  
upravu i zajedničke poslove  
**Senada Kočan, s.r.**

**GRADONAČELNICA**

**Doc. dr. Benjamina Karić, s.r.**

Dostaviti  
- naslovu  
- a/a

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

|                     |             |
|---------------------|-------------|
| PRIMLJENO:          | 20 JUL 2023 |
| ORG. JED.           | SAOBRAĆAJ   |
| 04-GV-02-903-2.1.23 |             |

Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Traffic

Broj: 04-04-32570/23 KM  
Sarajevo, 14.07.2023. god.

**Grad Sarajevo – Gradsko vijeće  
Sarajevo, H. Kreševljakovića br. 3**

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

|            |            |
|------------|------------|
| PRIMLJENO: | 19-07-2023 |
| ORG. JED.  | SAOBRAĆAJ  |
| 07 04 55/2 |            |

**Predmet: Obavjest – dostavlja se**

Ministarstvo saobraćaja Kantona Sarajevo, rješavajući po zahtjevu Grada Sarajeva broj 04-GV-02-903-2.1/23, u predmetu inicijativa za utvrđivanje besplatne karte za kategoriju nezaposlenih osoba, o istom Vas pismenim putem obavještava:

Članom 23. Zakona o komunalnim djelatnostima (Službene novine Kantona Sarajevo br: 31/04 i 21/05-ispravka), propisano je da visinu cijene i način plaćanja komunalne usluge predlaže davalac komunalne usluge, na temelju detaljne kalkulacije. Validnost kalkulacije i konačan prijedlog visine cijene komunalnih usluga utvrđuje neovisno stručno tijelo Vlade Kantona, a stvarnu cijenu komunalnih usluga određuje i usvaja Vlada Kantona Sarajevo.

Cijeneći navedene odredbe Zakona o komunalnim djelatnostima, Vlada Kantona Sarajevo je rješenjem broj: 02-04-23327-23/22 od 09. 06. 2022. godine imenovala Neovisno stručno tijelo za validnost kalkulacije i konačan prijedlog visine cijene karte u javnom linijskom prijevozu putnika u Kantonu Sarajevo sa zadatkom da dostavi Vladi validnost kalkulacije i konačan prijedlog visine cijene komunalnih usluga za korištenje javnog linijskog prijevoza putnika u Kantonu Sarajevo radi utvrđivanja stvarne cijene komunalnih usluga. Vlada Kantona Sarajevo je na sjednici održanoj 20.07.2022. godine donijela zaključak broj: 02-04-28400-16/22 kojim je usvojila cijene komunalne usluge u javnom linijskom prijevozu putnika u Kantonu Sarajevo. U skladu sa zaključkom Vlade Kantona broj: 02-04-28400-15/22 od 20.07.2022. godine potpisan je Sporazum sa prijevoznicima dana 27.07.2022. godine.

Vlada Kantona prilikom utvrđivanja mjesečna pretplatna karta za kategoriju nezaposlenih osoba vodila računa o predloženoj cijene od strane prijevoznika, validnosti dostavljene kalkulacije i raspoloživim sredstvima u Budžetu Kantona Sarajevo te utvrdila stvarnu cijene komunalnih usluga i to: 35,50 KM od toga iznod od 20,00 KM plaća korisnik a isnos od 15,50 KM se subvencionira iz Budžeta Kantona Sarajevo.

S poštovanjem,

Dostaviti:

1. Naslovu
2. Evidenciji
3. Arhiva



PO OVLASTENJU MINISTRA  
POMOĆNIK MINISTRA

Muhamed Kukan





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**PRAVOBRANILAŠTVO**

Broj: 01-08-Gp-95/23  
Sarajevo, 20.07.2023.godine

**GRAD SARAJEVO**  
**GRADSKO VIJEĆE**

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

|                   |             |        |            |
|-------------------|-------------|--------|------------|
| PRILAZNO:         | 27 JUL 2023 |        |            |
| GR. BR.           | BR.         | PRILOG | VIJEĆARSKA |
| 01-GV-02-998-7/23 |             |        |            |

**PREDMET:** Odgovor na vijećničko pitanje  
Veza – Vaš dopis br. 01-GV-02-998-7/23 od dana 26.06.2022. godine

Poštovani,

Dana 13.07.2023. godine Pravobranilaštvu Grada Sarajevo je dostavljen Vaš dopis broj gornji sa vijećničkim pitanjem gradskog vijećnika Škaljić Seida koje glasi:  
*“U kojoj fazi je proces dogovora s Parlamentom Federacije BiH oko iznajmljivanja prostora u Upravnoj zgradi organa Grada Sarajeva koji koriste organi i službe Parlamenta F BiH, a čiji je vlasnik Grad Sarajevo?”*

U pogledu navedenog vijećničkog pitanja gradskog vijećnika Škaljić Seida obavještavamo Vas o slijedećem.

Među tačkama dnevnog reda julske sjednice Gradskog vijeća Grada Sarajevo, koja je zakazana za dan 26.07.2023. godine raspravljat će se i o prijedlogu Odluke o davanju saglasnosti gradonačelnici Grada Sarajevo za potpisivanje Sporazuma o predaji u posjed nekrenina-objekat Upravne zgrade DPO i SDK (Vječna vatra).

Odredbe člana 6. navedene prijedloga Odluke propisuju da *„Sporazumne strane saglasno konstatuju da će biti zaključen poseban Ugovor o zakupu kojim će biti definisana naknada i uslovi korištenje dijela nekretnine - objekat Upravne zgrade DPO od strane Predstavničkog doma Parlamenta Federacije BiH i Doma naroda Parlamentu Federacije BiH“*.

Obzirom na navedeno, predmetnom odlukom je predviđeno i rješavanje pitanja zakupa Upravne zgrade DPO, te će isto biti riješeno posebnim Ugovorom, a nakon usvajanja predmetne Odluke na zakazanoj sjednici Gradskog vijeća Grada Sarajevo i zaključenju Sporazuma o predaji u posjed nekretnina - objekata Upravne zgrade DPO i SDK (Vječna vatra).

**DOSTAVITI:**

Naslovu,  
- U spis.



**PRAVOBRANILAC GRADA SARAJEVO**

Admir Jusufbegović

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 206 440  
**Fax:** +387 33 206 440  
**Email:** pravobranilastvo@sarajevo.ba  
**Web:** www.sarajevo.ba







Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Justice and Administration

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

|                         |      |        |            |
|-------------------------|------|--------|------------|
| PRIJMLJENO: 25 JUL 2023 |      |        |            |
| Org. jed.               | Broj | Prilog | Vrijednost |
| 01-GV-02-941-1.0/23     |      |        |            |

Broj: 03-04-04-32571-1/23  
Sarajevo, 17.07.2023. godine

**GRAD SARAJEVO  
GRADSKO VIJEĆE**

**gosp. Jasmin Ademović, predsjedavajući Gradskog vijeća Grada Sarajeva  
Hamdije Kreševljakovića 3, Sarajevo**

**PREDMET: Odgovor na inicijativu, dostavlja se  
VEZA: Vaš akt, broj: 01-GV-02-941-1/23 od 26.06.2023. godine**

U aktu, broj i datum veze, navedeno je da je Gradsko vijeće Grada Sarajeva podržalo inicijativu predsjedavajućeg Gradskog vijeća Grada Sarajeva Jasmina Ademovića, za izmjenu Ustava Federacije Bosne i Hercegovine i Ustava Kantona Sarajevo, te je ona postala inicijativom Gradskog Vijeća. U Inicijativi koja je upućena Skupštini Kantona Sarajevo i Ministarstvu pravde i uprave Kantona Sarajevo traži se da nadležni organi zakonodavne vlasti Federacije Bosne i Hercegovine i Kantona Sarajevo, u što skorijem roku, svako iz svoje nadležnosti izmjene Ustav Federacije Bosne i Hercegovine i Ustav Kantona Sarajevo, na način da se omogući direktan izbor gradonačelnika Grada Sarajeva.

S tim u vezi, Ministarstvo pravde i uprave, kao resorno ministarstvo nadležno za pripremu amandmana na Ustav Kantona Sarajevo, ukazuje da je članom V. 1. 4 Ustava Federacije Bosne i Hercegovine propisano kako slijedi:

*V. KANTONALNE VLASTI*

*Član 4.*

*(...)*

*Ustavi kantona moraju biti u skladu sa ovim ustavom.*

*(...)*

Imajući u vidu da ustavi kantona moraju biti usklađeni sa Ustavom Federacije Bosne i Hercegovine, preduslov da Vlada Kantona Sarajevo predloži Amandmane na Ustav Kantona Sarajevo, na način kako je navedeno u predmetnoj inicijativi, jeste prethodna izmjena Ustava Federacije Bosne i Hercegovine, u dijelu koji propisuje način biranja gradonačelnika.

S poštovanjem,

Dostaviti:

1. Naslovu;
2. a/a.

